

八瓊室金石補正

八瓊室金石補正卷一百七

太倉陸增祥撰

男 繼輝校錄

吳興劉承幹覆校

重刻宸奎閣碑銘

高七尺八寸廣四尺二寸十七行行四十二字字徑一寸五分正書橫額題宸奎閣碑銘五篆字在鄞縣

皇祐中有詔廬山僧懷璉住京師十方淨因禪院召對化成殿問佛法大意奏對稱旨賜號大覺禪師是時北方之爲佛者皆留於名相囿於因果以故士之聰明超逸者皆鄙其言詆爲蠻夷下俚之說璉獨指其妙與孔老合者其言文而真其行峻而通故一時

士大夫喜從之游遇休沐日璉未盥漱而戶外之屣滿矣

仁宗以天縱之能不由師傳自然得道與璉問答親書頌詩以賜之凡十有七篇至和中上書乞歸老山中上曰山即如體也將安歸乎不許治平中再乞堅甚

英宗留之不可賜詔許自便璉既渡江少留於金山西湖遂歸老於四明之阿育王山廣利寺四明之人相與出力建大閣藏所賜頌詩榜之曰宸奎時京師始建寶文閣詔取其副本藏焉且命歲度僧一人璉歸

山二十有三年 八十有三臣出守杭州其徒使來  
告曰宸奎閣未有銘君逮事昭陵而與吾師遊最舊  
其可以辭臣謹案古之人君號知佛者必曰漢明梁  
武其徒蓋常以藉口而繪其像於壁者漢明以察爲  
明而梁武以弱爲仁皆緣名失實去佛遠甚恭惟

仁宗在位四十二年未嘗廣度尼僧崇侈寺廟干戈斧  
賁未嘗有所私貸而升遐之日天下歸仁焉此所謂  
得佛心法者古今一人而已璉雖以出世法度人而  
持律嚴甚上嘗賜以龍腦鉢盂璉對使者焚之曰吾  
法以壞色衣以瓦鐵食此鉢非法器使者歸奏上嘉

歎久之銘曰巍

仁皇體合自然神曜得道非有師傅維道人璉逍遙自在禪律並行不相留礙於穆頌詩我既其文惟佛與佛乃識其真咨尔東南山君海王時節來朝以謹其歲

元祐六年正月癸亥龍圖閣學士左朝奉郎知杭州軍州事兼管內勸農使充兩浙西路兵馬鈐轄兼提舉本路兵馬巡檢公事武功縣開國子食邑六百戶輕車都尉賜紫金魚袋臣蘇軾撰并書

四明阿育王寺故有宸奎閣不知燬自何年寺西

折數十武卽妙喜泉相傳沈碑在焉余抵四明命  
僧索之水中乃得唐范的書常住田碑一通其陰  
則有宋張無垢撰妙喜泉銘數百年舊迹一旦軒  
露良亦有數哉後從范東明司馬譚及蘇長公閣  
記司馬家藏有長公舊刻余爲欣然命林生芝雙  
鉤入石以補阿育闕典長公書流播甚多獨此筆  
法道勁有歐顏風故願與海內操觚者共寶焉萬  
厯乙酉冬孟郡守溫陵蔡貴易識

右碑篆額五字文正書十七行行四十二字後有明  
人行書跋語三行在鄞縣閣在縣五十里文忠書當

時已爲拱壁大書深刻不致湮沒此必黨禁時滅跡

或沈埋別所而東明司馬所藏其或宋拓歟

兩浙金石志

焦山題刻五段

在丹徒

米芾題名

高一尺七寸四分廣二尺四行  
行四字字徑三寸許正書左行

仲宣法芝米芾元祐辛未孟夏觀山樵書

陸務觀等題名

高三尺七分廣六尺三寸三分十一  
行行六字後二行行八字七字正書

陸務觀何德器張玉仲韓無咎隆興甲申閏月廿九日

踏雪觀摩鶴銘置酒上方烽火未息望風檣戰艦在煙

靄間慨然盡醉薄晚泛舟自甘露寺以歸

明年二月壬午園禪師刻之石務觀書

吳琚詩

高三尺六寸五分廣三尺五寸三分十行行十一字至十四字不等字徑二寸行書

○愛山□□今踏山堆路江□□事動□聊皆可賦榮

确石徑微白浪灑衣履臨淵魚龍驚捫崖猿鳥懼古刻  
難細讀斷缺蒼蘚護歲月豈易考書法但增慕摩挲復  
三歎欲去還小住習氣未掃除齒髮恨遲暮華亭鶴自  
歸長江只東注寂寥千古音□日起烟霧清熙甲辰上  
元前三日遊焦山觀瘞鶴銘有作延陵吳琚

張孝思重

下

右吳琚詩甲辰爲清熙十一年案吳琚吳益之子

憲聖后姪也乾道九年通判臨安府歷尙書郎鎮



安軍節度使復以才選除知明州兼沿海制置使  
甯宗初乞祠尋知鄂州再知慶元府位至少師判  
建康府兼留守又嘗使金言南使中惟吳琚言  
可信此詩殆道經所題莫定其時何職也琚之父  
益與其弟蓋皆有書名琚蓋習其家學者後有張  
孝思重四小字疑此詩爲後來重刻者而上下均  
已泐矣

吳琚書心經殘字

拓本高處存四尺廣二尺三行  
共十六字字徑四五寸行書

聲香味觸

界無無明亦無無明

無苦集滅

宋人吳琚書心經焦山志略琚書心經石刻一片僧  
明湛移置松寥閣只存此殘字下截八行存江中石  
上可識者只十三字又琚敬書共十六字同治己巳  
游焦山拓此江中存字不及拓矣字與張卽之相近  
筆勢道拔可寶

楊翰  
記

右殘字及詩皆海琴所贈

王濬等題名

二行行八字  
七字正書

嘉熙二年十一月晦王濬季夢得韓□

右刻在陸務觀題名石上此拓疑未全

唐顏文忠公新廟記

高六尺六寸廣三尺三寸三十行行五十三字字徑六分正書篆額五行題唐魯郡顏文忠公新廟記十字在

費縣

唐魯郡顏文忠公新廟記

左承議郎尚書職方員外郎雲騎尉賜緋魚袋曹輔撰

明州定海縣主簿秘書省校對黃本書籍秦觀書

左宣德郎知開封府雍邱同簽書兵馬司公事鄧昞

篆額

唐魯郡顏文忠公有廟在郕邪之費距縣治東北五十

里曰諸滿村室宇庫陋歲月將圯祀典弗著神不願享  
元祐六年洪農楊君元永爲邑之二年也建言于州曰  
按祭法飭禦大菑飭捍大患則祀之以勞之國以死勤  
事則祀之方魯公守平原時祿山逆狀未萌公能隨其  
端及反河朔盡陷獨平原城守具備與其從兄常山太  
守杲卿首倡大順河北諸郡倚之以爲金城可謂能捍  
大患矣其後爲姦臣所擠臨大節挺然不屈竟殞賊手  
可謂以死勤事矣今廟宇不飭芘風雨願聞諸

朝少加崇葺俾有司得歲時奉祠知軍州事安定梁侯  
彥深下車未久起廢更弊州既以治睹是舉也而樂之

卽具以聞太常議典禮以上春官氏曰宜如請公之遠  
祖青徐二州刺史盛始自魯居於琅邪之臨沂孝悌里  
故今子孫之在琅邪者衆其十一世孫安上者言縣謂  
廟地僻左荒棘跨嶺谷絕河澗者六七而後至所自出  
緡錢買地祊河之東以徙置之庶幾子子孫孫與其邦  
人奔走承祀弗懈是年十二月二十四日廟成楊君以  
書抵京師曰史氏稱顏公英烈言言如嚴霜烈日可畏  
而仰其信然今廟碑將立無文以刻之懼不足以表忠  
義勸來世夫子其毋辭焉余考顏氏蓋出於邾武公之  
後武公字顏其子友別封邾爲小邾子遂以顏爲氏孔

子之門人達者七十有二而顏氏有其八回以殆庶幾得復之初九不遠復無祇悔之義以爲門人之冠其後衣冠不絕間出聞人然則公之知義明信道篤其淵源有自來矣夫人之於死生之變亦大矣而君子處之裕然得其所者蓋有以權其義之輕重而已若夫義有重於生則不必幸其生生有重於義則不必致其死故曰非死之難處死之難若魯公者學行內外充衍閑肆以發見於事業非獨一時奮不願死以取名故前抗祿山之師後拒希烈之命不惑於死生之際而以明君臣之大義可謂真知輕重大丈夫者哉百世之下聞其風者

雖亂臣逆夫將消縮摧沮不復牙孽於其心矣楊君欲  
發明公之義烈以詔後世不諉於文學之士而猥以見  
屬豈以余爲知言哉乃爲志其事而系之以銘銘曰

屹屹魯公

剛實積中

學奧問博

涵演擴充

孝

友施家

發爲公忠

直道以行

孰願我躬

讒口

黠貽

往齒其鋒

祿山一呼

逆焰熾天

炎于崑

岡

沸于百川

杯水輿薪

勢且莫抗

屹屹魯公

忠誠是仗

大義凜然

奮裾首倡

一清土門

數斬僞將

十有七州

同風順嚮

力窮功隳

英

風獨暢

屹屹魯公

不戒于剛

婉變媚嫉

假手

虎狼 公在跪跪 得困之義 有嚴分守 卒遂吾

志 屹屹魯公 風于百世 太山之祜 魯廟翼翼

孰作新之 守令其職 禋祀苾芬 子孫是食

惟廟暨孫 有圯有息 屹屹魯公 與山無極

九世孫温

右通直郎知沂州費縣事楊 元永立石

右承議郎通判沂州軍州兼管內勸農事雲騎尉

賜緋魚袋常 士温

右朝散郎知沂州軍州兼內勸農事上輕車都尉賜

緋魚袋借紫梁 彥深



元祐七年四月二十七日建

撰文者爲曹輔案輔字子方華州人登嘉祐八年乙科歷官至朝奉郎守司勳郎中常與蘇黃游見厲樊榭宋詩紀事書碑者秦觀史稱其始登第調定海主簿蔡州教授元祐初除太學博士校正祕書省書籍此碑系銜不列蔡州教授太學博士略之也淮海書世所罕見今玩其筆意瘦勁深得二王遺法碑陰刻

米襄陽記

山左金石志

山左金石志載此文庫作卑菑作災閱作宏非春官氏氏作民尤誤萃編載碑陰仙蹟記未載此碑

而跋語中見之當是編次時遺漏

草堂寺題刻八段

在鄂縣

李周等聯雙檜詩

高二尺三寸廣二尺前十行行廿二字後八行行十六字字徑寸許

正書

李

周

李

邵

楊

致祥

種

古

弟

診

聯雙檜

古字列雙檜森鬱欹簷角

古

高幹若偃蓋佞枝羅翠幄

周

葉硬攢蝟毛子圓如雀殼

診

盤根雖輪囷呈才終卓

華

邵

枯冬傲霜霰炎夏宜雨雹

致祥

蒼皮遶龍虵危巖巢

鷺鷥

古

歲寒知後凋春風到先覺

周

月涵煙影孤雨溜

苔蘚駁

診

願逢繁輅用勿使爲檟楠

髯

春姿筆工偷風

韻溪虎學

古

松筠比節操  
玉鳥敢臺啄

周

黛色晚山分

清香朝露濯

診

桃李耻妖饒  
倚梧羞醜齷

齷

儀尊雖備

儀真性惡剪斲

古

俗名強雌雄  
奇勝重古樸

周

氣勢已

千尋栽培從一握

邵

五松慙忝位  
秦封受殊渥

諫

慶林中

家君蒲尹集賢尉  
長安日嘗與种太質昆仲泊一二

僚友遊草堂寺有聯雙檜之句  
厥後五年而處訥始

生又四十年處訥以左宣德郎來知鄠縣事被府

檄奉祠高觀神更衣是寺  
歷覽壁間留題而墨蹟具

存焉因命刊諸石以永其傳云  
時元祐壬申秋八月

甲戌也 住持賜紫紹利立

王濟叔等題名

紹聖元年仲夏廿八日  
萃編叢卷一百四十四下同

游正

正作此疑  
是步字

章俾題記

紹聖二年十  
二月八日

樓觀

缺樓  
字

梅澤詩并題記

崇甯元年三月十四日  
萃編叢卷一百四十三

二項 二誤

張壽翁題名

崇甯五年七  
月十二日

雲際

際誤  
隆

重雲

誤作  
雲

觀高觀

缺高觀  
二字

七月

缺七  
字

雲際院重雲山均見李駒詩刻

呂湘題名

宣和二年六月四日

兩遊

兩誤西

王蹟題名

靖康二年四月十日

彥肅

肅誤甫

王蹟關中金石記誤作王質靖康丁未即建炎元年五月高宗即位改元四月題名故稱靖康

甘吳二字

在定慧禪師碑陰紫陽二字之上

日

右草堂寺題刻七段惟李周等聯句詩爲金石家所未見詩內妖燒書作妖饒誤篆文二字則諸家

所見而未錄者然亦古刻也特未知是人名否耳  
寺尙有王正臣張堯儁詩刻俟續得拓本再補李  
周史有傳云字純之馮朔人登進士調長安尉其  
尉長安在初登第時史不詳其何年登第讀此題  
知在慶祿中也史於哲宗時云以集賢院學士知  
邠州徙鳳翔河中府與此稱蒲尹集賢者正合李  
周亦見元祐黨籍碑神古神診世衡子世衡傳云  
子古諤診皆有將材號曰三種古亦附有傳云字  
大質慕從祖放爲人不事舉業當任官辭與其弟  
時稱小隱父卒錄爲天興尉轉西京左藏庫副使

涇原路都監知原州神宗召對遷通事舍人尋與其弟診破環州折董會斬首二千級遷西上閣門副使世衡之歿史所未詳此聯句在慶秣中或未  
有官時也以元祐壬申逆推四十五年詩作於慶秣七年种古萬姓統譜作种詒與史碑均異蓋涉  
誇診訛而誤加言旁

重脩宋立曹娥碑

元祐八年正月 萃

篆額四行題後漢會稽  
孝女之碑八字陽文

曹娥場大使河南孟津縣李恭命工刊補字畫覆

□亭屋宣德九年六月七日期

按曹娥碑右軍小楷書唐李北海曾以行體書之世無傳本此蔡卞於元祐時重書應從北海原刻而出宋時猶及見真本蔡卞書米元章嘗稱之此刻桀驁自喜而時露波磔王元美所謂有書筆無書意多參己意者要之不可以人廢也碑經明季重刻故末行有李恭題字

兩浙金石志

碑尾李恭題字云命工刊補字畫是蔡卞所書原石而李恭脩刻之也萃編不錄此行殆未之見兩浙金石志失錄補字畫以下十六字則以爲明人重刻矣銘詞顯昭天人碑作夫人當是修刻之譌



刻懷素帖并題跋贈歌記

高四尺二寸五分廣二尺四寸六分五截上二截帖  
下三截題後贈詩跋行數字數大小真草均不一在

西安府學

唐懷素法帖

藏真帖

懷素字藏真生於零陵□遊中州所恨不與張顛長史

相識近於洛下偶逢顏尚書真卿自云頗傳長史筆法

聞斯八法二字添注若有所得也草書

律公帖

律公好事者前後數度遂□於素小興也可深藏之篋

笥也

後缺  
草書

律公帖

貧道頻患□氣異常憂悶也常服三黃湯諸風疾兼心  
中常如刀刺乃可變方數々耶不然容舍非常之□耳  
律公能□步求貧道顛草斯乃好事也率復不盡垂愛

沙門懷素白

草書

越觀懷素之書有飛動之勢若懸巖墜石驚電遺光  
也珎重々々草書

景祐三年五月十六日

其年七月十九日馬宗誨承之題

元祐四年季秋十二日寬夫題

懷素遺帖多矣此書結字小異微仲

懷素草聖識之者少如周越亦號能書其珍愛如此

固

劉摯莘老觀 元祐四年九月十二日

趙瞻大觀同日覽此

韓忠彥師朴是日同觀

己卯歲九月十三日宿齋中書觀懷素書沖元記

余既連得見魯公真蹟三帖其筆法道勁溫潤竊甚  
愛之及讀懷素書乃云所恨不得與張顛長史相識

近於洛中偶逢顏尚書真卿自云頗傳張長史筆法  
然後知魯公之書蓋得張顛之梗槩云穎叔書

行書

李白贈懷素草書歌

少年上人號懷素草書天下稱獨步墨池飛出北溟  
魚筆鋒殺盡山中兔八月九月天氣涼酒徒辭客滿  
高堂牋麻素絹排數箱宣州石硯墨色光吾師醉後  
倚繩牀須臾掃盡數千張飄風驟雨驚颯颯落花飛  
雪何茫茫起來向壁不停手一行數字大如斗悅悅  
如聞神鬼驚時時只見龍蛇走左盤右蹙如驚電狀  
如楚漢相攻戰湖南七郡凡幾家家屏幃書題遍

王逸少張百英古來幾許浪得名張顛老死不足數  
我師此義不師古古來萬事貴天生何必要公孫大

娘渾脫舞

正書

後序

唐僧懷素書藏真律公二帖最號精妙自五代已  
來爲予亡友安師孟家藏後爲王思同子孫所有  
近歲復歸於安氏噫豈斯文之顯晦亦有數耶因  
模刻于長安漕臺之南廳及以諸公題跋李白所  
贈草書歌同附於卷尾傳諸好事云元祐八年九  
月初一日武功游師雄景升題長安安宜之模

正書

鑄匠安敬□

唐懷素帖暨諸公題跋游景井摹於石舊在使字  
南齋簷砌□元符三年七月孫軫龕於便廳之東  
壁

藏真律公共三帖宋游師雄刻之於石者所謂師游  
絲筆法也有驚蛇飛電之悅澇有挽強拔山之氣力  
最奇筆也后刻諸跋大半皆宜刪去李白歌贗作可  
笑尤爲此帖之玷

石墨  
鑄華

贈懷素草書歌亦見漁隱叢話九日作九月屏嶂作  
屏障此義作此藝似較游刻爲勝然繆氏翻刻宋本

李翰林集只月幃二字與之合藝字亦作義昔東坡翁謂太白集中有歸來乎笑矣乎及僧懷素草書數詩決非太白作蓋唐末五代間學齊已輩詩也予攷素生於開元二十五年代宗廣德初太白流夜郎還潯陽往來湖湘間約計素時止二十餘歲詩云少年上人號懷素是也然自敘帖作於大厯十二年素年已四十有一如太白果有贈詩何以自敘帖歷數當時名家贈句獨無一語及之又詩中有湖南七郡凡幾家之句攷新唐書唐初分天下爲十道開元中又分置十五道采訪使其時今湖南諸郡隸江南道分

有十餘郡豈止七郡而已哉且湖南之稱始於唐末  
安得太白詩中用此東坡謂此詩唐末五代閒人偽  
作確然無疑

古泉山館  
金石文編

黃庭堅黔州題名

高一尺六寸廣一尺四寸四行行  
五字字徑三寸許行書在彭水

楊皓明林任葉子修自城西來會于石間涪翁題

右題名四行近出彭水土中彭水有山谷祠石卽  
於祠側掘得之在宋爲黔州地蓋安置黔州時所  
題也楊皓任葉史俱無傳題名不記年月當在元

祐間



石塘寺自然屏詩

高一尺八寸三分廣一尺五寸五分詩四行行十字  
字徑一寸三分跋六行行十九字字徑八分俱正書  
在東  
安

洗開無用木放出自然屏一簇岡巒勢多般人物形金  
堅性難壞玉潤色常青得地生禪刹休嗟在大垵

紹聖二季乙亥歲上巳日靜海阮之武子文倅郡零

陵泐 檄促戮蠻寇駐兵石塘僧舍顧視立石爲草

木陰翳命工滌除之迺一石屏朝挹聳翠狀若圖畫

巖竇溪壑天性自然噫久被湮沉一旦出覩天日亦

猶隱德君子各有時也因榜之曰自然屏書四十字

非敢云詩姑紀歲月而已

案右碑訪得而不及拓茲補載之阮之武名已前見石曇寺縣志誤作石塘寺音譌也

永州府志

右石塘寺自然屏詩在東安沙子舖石塘寺後壁石塘寺今作石曇寺宗氏云石曇縣志誤作石塘今審石本正作石塘公檄作公奉檄均誤跋云促戮寇蠻與張綬所言邵永蠻寇者殆是一事

白龍洞題刻四段

在臨桂

盧潛禮等題名

高一尺九寸廣二尺八寸七行行五字字徑三寸許正書

上饒盧潛禮濟北段微之毗陵胡茂方同郡樓元弼武

夷菜振卿紹聖乙亥秋九月中澣遊

潛禮名約時經略安撫使茂方名義修時瀛州防禦推官元弼名禹鄰時和州防禦推官振卿名世隆時澧州錄事參軍

公輔公密題名

方一尺五寸五行行四字字徑二寸正書

公輔公密侍親遊春來此政和辛卯季春旬休日

公輔姓韓見回穴題名

唐進德題名

高一尺六寸廣一尺八寸六行行五字字徑二寸五分許正書

南郡唐進德携家同遊男鋼銖銓錫侍行政和二年三月二十七日題白龍洞

叢載謂在雉山誤

廣西通志

李景亨等題名

高四尺廣二尺八寸三行  
行六字字徑六寸許分書

李景亨王子舉謂之以治熙丙申立夏日同游

謂之王文若也見隱山題名

廣西通志

担掌村脩堯廟碑

高四尺廣二尺四寸廿六行行四

十七字字徑七分正書在河內

大宋國懷州河內縣利仁鄉担掌村重脩

堯聖

廟記

鄉貢進士李勃吳愿□撰

太行山人張洞書

竊夫聖德神於當時仁道澤乎後世恩霑民庶利益

邦家名聞而四海无窮蹟存而萬代莫廢不惟道而皇德而帝仁智聖禮義賢皆可以建廟興祠民所省賽而已凡我

帝堯遺茲蹟者德而帝之然也按

單懷圖經云郡城乾隅三十餘里古有堯聖廟境迺

國家省賽之祠及庶民鄉祈之廟也且夫昔在

帝堯稽古□明親睦九族翊善俊德協雍萬

邦仁如天而望如雲智如神而就如日故仲尼刪書定

禮首唐序虞爲百王立法之師作萬世常行之道昔廟于斯雖群經不載諸子無文况詢諸耆艾傳乎古老昔

帝因巡狩帥師至此

隋誌云三皇巡職五帝巡狩者是也

困息思

漿求无獲濟忽覩斯境猶掌潤澤帝通聖意陰符龍指  
按担尋感醴泉應手涑湧无涯滔滔而莫測淺深混混  
而不舍晝夜夏則冷而太清冬則温而益暖魚遊而躍  
同靈沼釣樂而坐狀礮溪止渴瘵飢聚朝散暮迄今竹  
木森聳蒲稻蕃滋水淥萍藻池香菡萏解亢希灌溉之  
濟后稷田豐去垢賴澣濯之能蔡倫締富浩流十五餘  
里濟民百萬餘家故因而村名担掌鄉號利仁莫不聖  
德之殊仁道之大哉尋有賢明好事者選方擇地建廟  
與祠放勛而御駕飛龍

帝堯當殿重華而台階

輔相虞舜奉承所以古往今來民祈而匪闕前朝後代  
省賽以罔虧鄉憂水旱信祈者濟物无涯人病災危誠  
禱者救民可驗領財納馬顯靈祐於碧潭饗酒歆香受  
恩福於紫殿而後歲時代謝寒暑往來直得神像傾際  
殿基墳壤今有清河公張彞者祖世山陽家住廟側識  
兆幾先行脩人表忽因暇日遊息是祠喟然歎曰噫哉  
堯聖生而富有四海沒而靈庇一方仁厚民財  
則前儲水利義供民用則後育山林又西廂下覩琬琰  
之書蓋古殿并暖帳寔祖父張壽之脩念迺祖迺父之  
虔切懇堂懇構之志然而自謂曰不繼祖宗是不仁也

不新故舊是不智也是以深啓洪願初造頭題□發善  
言衆皆響應家家有罄財之懇人人有盡力之誠尋迺  
命匠邀工選材埏埴經營作矣不日成之廟殿既畢廊  
屋皆完聳疊堵墀巍安獸吻徘徊殿□迺鷹翼以宏空  
塑繪聖儀真仙姿而降世顯若垂裳而治儼然傳聖之  
尊然則竭衆之力人不以爲勞乏衆之財人不以□困  
蓋澤寬恩久潤民濟物之感也今者功畢告成宜形文  
記故以遠命良工精選奇石頗曾崇祖之德非敢訴己  
之勞因而告諭里人及我子孫百嗣必有賢明好事者  
紹我祖宗緒我功力經久勿令隳廢者必獲 聖祐



所以礪石刊文依功序事欲贊无爲之德頌形不朽之  
銘况勳華雖末識管見寡學陋聞勉伸應命之辭聊成斐  
然之序庶幾髦彥規琢幸焉 贊曰

昔在帝堯 文思昭昭 神化治國 仁德臨朝

身繼天命 位禪舜韶 巡狩掌息 担地泉潮

濟民澤普 利國功饒 温冬清夏 散暮聚朝

締贈倫渥 田助稷澆 林林竹木 森聳枝條

年年蒲稻 蕃庶根苗 池香菡萏 沼綠萍藻

建廟豈忝 立記甯傲 門臨紫陌 殿插青霄

像塑真繪 稅藻牆彫 聖位堯帝 台陸舜僚

禱而請福 悞而降祚 鄉依肅肅 州鎮天天

清河公子 特作英□ 重脩古蹟 再紹宗繇

建茲碣謁 告諭相招 里人我嗣 必有賢超

續世完葺 勿令隳凋 記久明遠 萬古謠謠

時紹聖二年歲次乙亥十二月癸亥朔初二日甲子

辰建都維那張允濟 副維那王秘 鑄字高昌

事涉附會文近庸俗而書學化度銳勁道潔肯堂  
肯構碑誤作懇以不朽爲不朽六朝以來沿襲用  
之萬古謠謠以謠爲遙

唐少卿遇仙記

高一尺八寸廣一尺七寸四分十七行行廿字第二  
行六行多一字字徑七分許橫額題唐少卿遇仙記  
六字並正書在  
臨桂劉仙巖

唐著作

子孟

桂臨人幼慕至道嘗寓元山觀讀書□□一

日有雲遊道人不通名氏相過清談數日并傳方書致  
曲乃去治平初唐赴京調舉至全州中途一僕夫偶病  
不能行忽復遇是道人來詢問其故遂代病僕荷重擔  
前邁勁若健羽雖鞭馬疾追常先百步外同輩恐其遁  
去遂遣之道人既別即日自全州二千七百餘里已到  
唐州湖陽驛留書與驛吏曰俟桂州唐秀才至即付之  
後月餘方抵驛驛吏出示書面題云呈桂州唐秀才歸

真子謹封唐啓封唯一詩曰

元山相見又之全

不遇先生道未綠大抵有心求富貴到頭無分學神仙  
篋中靈藥宜頻施鼎內丹砂莫妄傳待得角龍爲燕會  
好來黃壁卧林泉唐大驚駭詰其狀貌卽全州所荷擔  
道人也留書之日卽全州所遣日也始悟爲神仙熙甯  
間倅邕管歲在丙辰交賊陷城力戰遇害於州治中橫  
壁亭詩所謂角龍黃壁也贈司農少卿紹聖三年正月  
甲午靈川歐陽闢記 孫世則謹勒於南溪山劉公巖  
石以永其傳

文載歐陽闢字晦夫靈川人從學於梅聖俞元祐六

年舉進士任雷州石康令宋史熙甯九年交趾陷邕  
刺史蘇緘死事甚烈事具緘傳得此記又有唐子正  
一人交趾屠郡民五萬餘人史固不勝其載然忠盡  
湮沒者多矣

廣西通志

### 遇仙記跋二段

在記文下方高八寸廣一尺七寸四分前段十一行  
行十一一字字徑七分後段七行行字不一字徑四  
分又上石人名  
一行均正書

□郎□□趙公跋

伏觀唐公遇仙事異矣古人謂不期而會曰遇斯乃不  
期而會者也

角

龍黃壁之句後來有應此與神仙尸解

何殊昔□□□□以刑死然後人□□之□□□□號  
爲默化□知唐公今□□於人間耶孰得而見之予乃  
作十詩以付其家紹興壬申七月十日漳川趙夔書

府判狀元汪公跋

道□□謂生而下泐約八九字□□然其與日月爭光□□□

□□上泐約四五字大泐約六字彼古□□一時邂逅仙不相知

□□□方□其泐一行□者□□□□耶玉山汪□□

書

曾孫咨諏咨詢咨度謹勒石

後跋無年月即據前跋次之二跋同時入石也

譙國簡夫題名

一行三十二字字徑六分行書在隴州

譙國簡夫敬覽尊膝古述男溉澥孫男緘并穎□道原同至紹聖丙子孟春念五日

右題名在楊淡幢經文末句之下萃編錄幢

卽開元寺

經幢也而遺此題名茲另錄之又萃編跋云敬造之

敬字作敬不知何義今審拓本不特敬造字並不作敬卽此宋人題名內敬覽字亦不作敬也關中

金石記亦失載題名書譙國簡夫不著其姓未識

卽雷簡夫否雷簡夫同州郃陽人康定中以校書

郎簽書秦州觀察判官公事自康定至紹聖丙子

相距五十八年史敘雷簡夫平辰州蠻後擢三司  
鹽鐵判官知魏同二州遷職方員外郎卒攷彭仕  
義入寇辰州事在嘉祐己亥相距亦三十八年矣  
史載其子爵臣郊社齋郎亦無漑澥二人之名筠  
清館以爲雷簡夫未知是否

光祿卿龍圖張旨碑

高七尺一寸廣四尺三十四行行六十  
三字字徑七分正書額失拓在河內

宋朝奉郎守光祿卿直□□圖□□□□□□留司□□□□  
公事上□□□尉南陽縣開國子食邑六百戶賜紫金  
魚袋贈正議大夫清河張公神道碑



朝散大夫充集賢殿

知

梓

州軍州事兼管內勸

農使兼提舉梓渠州懷安廣安軍兵甲巡檢賊盜

公事上護國賜紫金魚袋呂陶纂文

朝散郎致仕護魚袋書丹

朝奉大夫知懷州管內勸農事上護軍賜緋

魚袋借紫賈篆

皇朝之

恩其行可以風勸四方矜

式後廿乃因而旌異之上則朝廷忠厚之治周

及下則子孫之心得以

書此 清河張公之碑所以傳信而不泯也

○隱 ○宗 ○孝諱延嘉 ○經術履趣  
純絜不願仕州部以聞賜嵩山清逸處士號累贈刑部  
○今 ○年 ○八而孤慨然有大志欲  
圖功名卽南渡江遊衡廬諸山從有道講磨其學險難  
○一切 ○念九  
舉 ○第調保定軍 ○慊無以施其

建白公府彫治剽轉運使壯其請上之得深州安  
尉縣有巨流矢貫臂不少卒能勝斬  
十餘人選知廣信軍遂城用薦格改著作佐郎當任福  
建官是時東南流捍寇之笑不可  
禦事捍寇之笑

朝廷信其言許治淮南多盜縣得壽州之安豐至

及一境復浹壤數萬頃逋冗歸集歲乃大稔民歌之曰  
三十里注無

出火邪郭屋□焚蕩幾盡郡人晝夜哭不已

朝廷

詔嘉之明年西戎

叛又選

公爲屯田員外郎通判府州州回山峻峙

三面皆寇境初無外郭

公

城之徒耗民力眾以爲然獨

公謂不可遂城之踰年功將就惟西隅數堵未完賊

號三十萬圍其

□□□□□□□□其□賊兵躡其後願求以生

公具短兵當其衝啓扉而納又植巨木窒而隅親率強  
□□□賊果併力急攻□□□□不□□□□□  
□□□□□□飲旦夕出南門汲於河賊知之以精銳斷  
其路 公擐執率勁兵五百夜半開關突擊賊稍却

□□□□□□禦兩旁候州人□之而入復扇□□□□  
□□□□□□掠水道 公遣□□伏巖竇

間伺而擊殺故兵民無暘死者賊圍城既久衆益至攻  
□□□□□□關志有懼色 公知之卽□□□買馬

綵數千□ 詔□賜守城將卒城上皆東向呼萬

崑以□□□□又遣人抉溝中泥淳塗草積若將備火  
□□□見□謂城中水有餘□外援將至□□公以功  
卽都官員外郎□五□□擢知萊州 詔許崑滿□

□□□□對 便殿極陳治邊禦敵之大略 □

宗改□□□□三遣內侍諭以□□□錄用□□改知邢

州□□□□□□□□□□□□外郎時范文正公

歐陽文忠公皆使河東議邊防薦 公可將帥 □

歸將□□□□□□□□□□□□□□□□□□

□□□□□□□□□□□□□□□□□□□□□□  
賜三品

服而遣既而選工刑兵三曹郎中庶太常少卿光祿□

進直史

部年七十

八祐六年閏八月己丑終于官嘉祐八年七月辛

葬於懷州內鄉

太君皆先

卒子八人席早仕次平一慶州軍事判官次君卿宣德

郎知京地府

官次平易宣德郎

監同州酒稅務次平封試將作監主簿女六人長適晉

州同言次適中縣山縣

□紳次適坊州軍事推官掌文紀□□□□孫□等二

十人十人皆□□□□餘幼孫女十五人九人竝適士

人餘幼 公□□忠□□□□□□□□□□事

必爲□難不苟免真豪傑士也寶元慶□問天下承平

□邊□廢去□□□□寇犯順以數十萬衆長驅入吾境

守臣戰將相顧失色漠然□□以禦 公解儒不不

戎服提□敢□□□□□□而用力挫賊鋒遂完孤城

河外生齒因之脫萬死二邊形勢復強成功豈不難哉

爲德豈不博哉及夫送羌款塞閩外□嚴則 公已

老□徘徊□□遷史職踐內閣爲 天子守土



四方終日恂恂然舉條教導惠澤至則稱寂去則見思  
不失爲良二千石□□之際可謂賢矣嗚呼士大夫立  
已致用於斯□安得盡如其志耶逢有□□享有豐  
雖毫釐不可加損疑有尸之者焉方 公壯時以求

□自奮常收竒功矣隆爵貴位宜爲我有已而老從九  
卿後士論爲 朝廷惜之古之人或□一竒挾半

笑而躡取公相者蓋亦幸矣銘曰

志以發身 才以濟時 滄海莫測 我□欲馳

太山將覆 子力能支 北野之寇 南方之飢

定襄之□ 府谷之危 公皆有爲 十不一□

顯顯厥功 莫安方系 何以書□ 可常而旂

何以刻之 宜鼎與彝 祀典不詔 雲臺未期

仰懷前烈 勒此高碑

紹聖三年歲在丙子八月丁酉朔二十七日甲申  
男平秩立 韓緒魏憲鐫字

碑上截曼患張公名泐以史考之知爲張旨也旨  
字仲微懷州河內人碑敘事實與本傳悉合惟忻  
州政蹟本傳略之攷諸帝紀五行志忻州屢地震  
景祐四年十二月寶元元年正月慶厯三年四年  
五月凡四見但言地震不言出火景祐之災壞廬

舍覆壓吏民死者萬九千七百四十二人傷者五  
千六百五十五人畜擾死者五萬餘帝遣使撫存  
其民賜死傷之家錢有差碑所述者當卽其事碑  
文闕字可據傳知之者保安軍司法安平尉尉氏  
縣及浚淖河三十里也史言進工部郎中碑言工  
刑兵三曹郎中較史爲備史言知鳳翔府知梓州  
知荆南知潞晉二州碑已曼滅或闕或略不可知  
矣碑尾月日干支有誤案帝紀是年八月有辛酉  
有壬戌是朔值丁酉不誤二十七日是癸亥碑書  
甲申何舛錯乃爾邪撰文者呂陶史亦有傳字元

鈞成都人嘗兩知梓州此其在先者史敘其爲集賢院學士在知陳州時其爲集賢殿脩撰在徽宗朝知梓州時据碑則哲宗朝已充是職矣

淨土寺惠深碑銘

高六尺二寸廣二尺八寸五分三十三行行六十一  
字字徑八分正書篆額題有宋法師深公碑銘八字  
陽文在

鞏縣

宋西京鞏縣大力山十方淨土寺住持寶月大師碑銘  
并序

丹川退叟贊皇李洵遠游簞笈書

雲寮居士高陽許顛德制篆額

在前  
行下

噫佛滅浸久法住浸微有能輔舉妙德勤任大事承雙  
林之善囑致萬乘之外護界此土含識聆音觀

相發希有心入不遑地自幼至老利樂群品缺二順世

人仰遺化吾見於寶月大師焉師法諱惠深世

姓楊氏趙州柏鄉人夙植德本生不童戲七歲禮邢州

龍華院僧宗順出家眞宗天禧缺二詔度係藉

童行例蒙剃染明年具戒甫九齡爾志尙超邈誓斷諸

漏聞譚法師講百法論往依止焉專精問辨未幾悟入

頓絕倫類兼通四分律上生盂蘭缺二諸經既敏且勤

殆忘寢食而處衆謙抑外貌如愚同學歆慕多就咨決

又從隱法師探惟識之奧隱許以入室遂代居法席時

年十七尤精菩薩戒經異時

缺二字

孟蘭懺然歎曰孝至

德也一切如來此其本行菩提薩埵依以爲戒吾豈徒

言耶於是罄其衣資於堯山縣遵善寺羅漢院爲父祖

而上設無尋齋請律師

缺二字

施四衆大乘淨戒七晝夜

建陀羅尼石幢會七世之喪於下時龍興廟和尚戒德

稱首師志深般若業在毗尼乃具燈燭果饌妙供三千

奉十方佛節道俗

缺二字

禮願求戒自是律範精潔諸方

宗仰行住坐卧無非佛事造慈氏聖像施財者三百萬

課慈氏尊名攝心者二億衆善緣熏滋勝驗殊特嘉祐

初入洛禮金

缺一字

爲僧雲寶等與鞏之官屬邑衆請住

淨土茲寺之興肇自元魏規模甚壯舊容千僧經亂墮廢基址石洞存焉厥後有高行僧三人分修以居至皇祐四年

勅賜十方之額初有廣和尚者住持未久

還謝師繼之慨然有志興葺檀信之士聞風響臻始營前後僧堂并厨共二十八間續建法堂及步廊摠二百

間

缺一字

法藏中央寘金裝旃檀瑞像一軀妙相月滿慈

視三界函祓周遶髣漆相鮮印經律論下迨傳記以充之修羅漢洞四十二間五百應真分處巖岫剗刷絲

缺一字

字

極精巧費金無慮二千八百五十餘萬名德之盛上

動

宸極

慈聖光獻皇后體佛深心佑我

上治素加崇禮入內懺悔廷賜紫方袍又御封佛口寶  
匣用嚴資戒道場仍錫寶月師號焉熙甯二年同天節  
師飭僧二萬人施袈裟一條以祝 聖壽每山

門法會香燭茶果錢帛等恩賜相屬五年大具供施注  
泗上禮普照塔 慈聖降香及金鉞以助緣還自

唐鄧所過欣仰迎迓延請緇素之衆朝夕盈前金繒之  
施奔走恐後六年自京師鑄鐘重六千斤慈聖臨幸興  
國寺廣嚴殿昇師迎歸以薦福 昭厚諸陵八年

開寶寺初崇因閣復召師赴闕下修佛事以慶其成



恩旨特留懇辭還山乃就慶壽宮塑師真儀送閣上

以旦羅漢之數

慈聖皇后卒哭

神宗皇

帝遣二中使與內典賓樊夫人齋

御前劄子許

乘兜轎及祠部度牒五道錢五百貫綵六十疋召師赴  
內道場先是 慈聖嘗令本寺歲度僧一名上僊

乃止

上聞之卽令依舊遂爲永式眷禮之重夔

無前比元豐七年冬示疾十二月二十二日晨鍾時囑  
累訖右脇告寤壽七十有五僧臘六十六師氣貌溫厚  
舉止祥順遇人無高下和容卑詞發於至誠雖甚剛梗  
見輒調伏寺初營繕僧寮屢易有鹿行狂悖者忿其遷

動大詬以來師方宴坐室中遽堪其冒負之以出且曰  
吾與若俱沉於洛爾師神色不動方止衆譟及河衆憤  
誼奪取將訴諸官師怡然辟解曰吾與之戲爾聞者無  
不嗟服山門無田業日贍幾五百口化導殆半天下有  
以僞借名其間者衆謂此不隱辯恐敗信心師遽遏其  
端退而告之曰利養均所趨也利我以害彼如佛意何  
且辨僞則眞亦疑矣頃之歲荒民流諸方徒衆多亦散  
居師延納有加於常知事以爲言師笑曰與子共此者  
甯力致耶不思議事未易以一期歎豈較也解裝者倍  
多又日飴飢民於進然饋送之家不遠千里蓋未嘗闕

供也施雖奉已一付諸庫口不與會計目不領券要是以愈久益信至今人以爲法焉師奉戒精苦汔無纖缺日諷菩薩戒經七返俱肱眞言五百過月與其徒誦戒懺悔講經論一百二十次復延名師竝開法席歲不下五六學者歸之戶屢嘗滿瞻護病疾必加勤渠營球生命不可筭數住持者三十年弟子淨惠等五十三人稟大戒宗裕等四十八人多爲名僧受經論善詮等三十二人各專法會爲四輩圓授菩薩洎五八戒三十餘萬人皆有籍記其法緣如此明年二月十五日塔於寺西北隅啓棺異香彌覆顏貞如生衣衾間得舍利光白無

數有所請者或掇諸土中或落自空隙

宣仁聖

烈皇后賜香合椽燭賻綃五十疋將窆道俗齋送空邑  
落而遍原野四遠奔赴不啻萬人風景淒變烏鳥薊集  
悲戀贊歎聲動山谷其感應又如此紹聖三年春其徒  
淨良持稟戒門人有誠等所錄事狀來謁文願余拔迹  
甚邇聆風且舊卽爲篡而次之猶恨闕略知師者謂師  
之頭施行可及也其方便智不可及也豈菩薩應世示  
現說法者歟抑證無生忍大善知識也已銘曰

忍無上業萬德之筌師踐履之同符往儂行寓諸戒智  
通乃禪於像法季有大因緣彼正律藏率繫宣傳所至

歸德其聚成屢慈柔漸

平

移憊□□□

二后

泐聖恩禮後先

神皇欽明眷接加虔誠動幽顯

供泐人天視若不以乃終沛然山門增輝聿世其年報

盡理顯示人有透散設利

錄七

半百法施大千良則是

圖不惟其賢寺之乾維松柏森焉來者瞻慕潤生敬因

紹聖三年十二月二十二日小師淨良 寺主賜紫

法輪 住持傳戒廣惠

永定陵都監供備庫

使李宗立立石

右淨土寺惠深碑銘李洵撰書許願篆額訪碑錄

載之而趙搆叔補孫氏之書謾紹聖爲天聖復以列入亦疏矣案淨土寺卽魏之石窟寺皇祐年加賜十方爲額文敘慈聖光獻皇后賜袍錫號及宣仁聖烈皇后賜賻事慈聖爲仁宗后曹氏宣仁爲英宗后高氏也碑有熙甯二年同天節云云案神宗本紀帝以慶曆八年四月戊寅生於濮王宮熙甯元年以生辰爲同天節玉海云神宗以四月十日爲同天節碑又有薦福昭厚諸陵碑尾立石人爲永定陵官永昭爲仁宗陵永厚爲英宗陵永定爲眞宗陵也諸陵俱在鞏縣西南碑又有御前劄

子許乘兜轎語劄付石刻至今尙在蓋以惠深年  
高每赴同天齋會許乘兜轎也

羅適巢父亭詩

高一尺七寸五分廣一尺四寸五行行十字  
字字徑寸許款二行較小行書在汝州

題巢父亭

泊然巢一枝常靜不待息天地存遺井聊以見清德窺  
者見爾心飲者養爾力何爲病夏畦俯仰無慙急

紹聖四年二月初六日赤城羅適

趙尙題名

高一尺五寸廣四寸七分兩行行  
入字九字字徑一寸三分正書

趙尙至此男洵淳侍黃總借行紹聖戊寅歲

右題各未詳所在戊寅爲紹聖五年是年六月改  
元元符

八瓊室金石補正卷一百七終